

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**

**MINISTARSTVO OBRAZOVANJA,
NAUKE, MLADIH, KULTURE I SPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS**

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Na osnovu člana 9. Zakona o kantonalnim ministarstvima i drugim tijelima kantonalne uprave („Službene novine Srednjobosanskog kantona“, broj:8/03 i 14/03), te člana 9. i 58. Zakona o sportu („Službene novine Srednjobosanskog kantona“, broj 8/05 i 3/10) i na osnovu Odluke Vlade Srednjobosanskog kantona, o donošenju programa utroška sredstava sa kriterijima raspodjele za sport za 2020. godinu, broj: 01-11.7-214/2020 od 13.3.2020.godine, Ministarstvo obrazovanja, nauke, mladih, kulture i sporta objavljuje

**JAVNI POZIV
za dostavljanje prijava za sufinansiranje izgradnje, rekonstrukcije i opremanja
sportskih objekata i terena sa transfera za sport iz Budžeta Srednjobosanskog
Kantona za 2020.godinu**

I Predmet javnog poziva

Predmet Javnog poziva je prikupljanje prijava za dodjelu finansijskih sredstava općinama, mjesnim zajednicama, ustanovama, preduzećima i udruženjima, za izgradnju, rekonstrukciju i opremanje sportskih objekata i terena od javnog interesa u oblasti sporta na prostoru Srednjobosanskog kantona (u daljem tekstu: Kanton) iz Budžeta Kantona za 2020.godinu („Službene novine Srednjobosanskog kantona“, broj 1/20), a u skladu sa Odlukom Vlade Srednjobosanskog kantona o donošenju programa utroška sredstava sa kriterijima raspodjele za sport za 2020.godinu, broj:01-11.7-214/2020 od 13.3.2020.godine, koji se odnosi na sredstva utvrđena za razdjel 17, Ministarstva obrazovanja, nauke, mladih, kulture i sporta (u daljnjem tekstu: Ministarstvo), sa pozicije „Tekući transferi drugim nivoima vlasti i fondovima-za sport“ i „Tekući transferi neprofitnim organizacijama-za sport“

II Opći uslovi za podnošenje prijava

Pravo na podnošenje prijava za dodjelu finansijskih sredstava za sportske objekte i terene imaju općine, mjesne zajednice, ustanove, preduzeća i udruženja sa prostora Kantona, koje dostave sljedeće dokaze:

- izjavu da je objekat od javnog interesa i izjavu da nema zakonskih smetnji za izvođenje navedenih radova;
- izjavu da je osiguran dio sredstava za realizaciju navedenog projekta.
- dokaz o vlasništvu ili o pravu upravljanja sportskim objektom/terenom

III Kriteriji za raspodjelu finansijskih sredstava

- značaj sportskog objekta za razvoj sporta i stvaranje uslova za sportsko-rekreativne aktivnosti i vrhunski sport;
- postojeće stanje objekta i neophodnost radova (izgradnja ili rekonstrukcija svlačionica, uređenje igrališta, izgradnju ograde oko igrališta, uvođenje sistema grijanja, interventna sanacija objekta ili izgradnja novog objekta u fazama);
- obim korištenja objekta i broj korisnika.

IV Kriteriji vrednovanja prijava

Kriteriji za vrednovanje prijave su:

- kvalitet prijedloga projekta (ekonomičnost i mogućnost realizacije projekta);
- kvalitet budžeta (finansijska potpora iz drugih izvora te realan plan osiguranja sredstava za realizaciju projekta);
- doprinos razvoju sporta na prostoru općine i kantona;
- doprinos radu s mladima u sportu;
- doprinos poboljšanju uslova za treniranje i takmičenje;
- doprinos provođenju sportske rekreacije i poduke i
- doprinos podizanju cjelokupne kvalitete života stanovništva na prostoru općine i kantona

V Odlučivanje o prijavama

Komisija će razmatrati podnesene prijave projekata te izvršiti vrednovanje i odabir istih po navedenim kriterijima, pripremiti prijedlog i dostaviti ministru. Odluku o dodjeli sredstava donijet će Vlada Kantona i bit će objavljena u Službenim novinama Kantona.

Korisnici koji nisu opravdali dodijeljena sredstva u 2019. godini, neće biti razmatrani za dodjelu sredstava po ovom pozivu.

VI Korištenje odobrenih sredstava

Sa korisnikom sredstava zaključuje se Ugovor kojim se uređuju međusobna prava i obaveze korisnika i Ministarstva.

Dodijeljena sredstva korisnik je dužan namjenski utrošiti te o tome podnijeti pismeni izvještaj najkasnije do kraja februara naredne godine, a ukoliko se sredstva ne utroše do tada, dužni su ista vratiti u Budžet Kantona, kao i u slučaju odustajanja.

VII Postupak podnošenja prijave

Obrazac prijave projekta zainteresovani mogu preuzeti sa web stranice Ministarstva.
(www.mozks-ksb.ba)

Prijave na Javni poziv sa obaveznom dokumentacijom navedenom u članu II i III te popunjen Obrazac prijave projekta, dostaviti u zatvorenoj koverti sa naznakom:

„Javni poziv za dodjelu sredstava za izgradnju, rekonstrukciju i opremanje javnih sportskih objekata i terena za 2020.godinu“- NE OTVARATI

Na poledini koverte napisati naziv i mjesto podnosioca prijave na javni poziv.

Rok za dostavljanje prijava na Javni poziv je 30 dana od dana objave na web stranici Ministarstva.

Prijave se dostavljaju na protokol Vlade Kantona ili putem pošte na adresu:

**SREDNJOBOSANSKI KANTON
Ministarstvo obrazovanja, nauke, mladih, kulture i sporta**


**Ul. Stanična 43
72 270 Travnik**

Nepotpune i zakašnjele prijave neće se razmatrati.

Broj: 05-11-491/2020
Travnik, 18. 6. 2020.



MINISTAR


Bojan Domic